

ՈՉԻՐՆԵՐԻ ՄԱՍԻՆ ԱՌՅԱՍԱՐԱԿ

ԵՒ

ԵՐԵՒԱՆԻ ՆԱՀԱՆԳՈՒՄ ՄԱՍՆԱԿՈՐԱՊԵՍ

Հրապարակական Դասախոսութիւն

ԳԱԲՐԻԵԼ ՄՆԱՑԱԿԱՆԵԱՆԻ

Վարդացւած Երեւանի Քաղաքային Ակումբի դահլիճում, 1889 թ. ապրիլ ամսում:

(Նաբունակութիւն և վերջ¹⁾)

II.

Ոճրագործութիւնը Երեւանեան նահանգում մինչեւ անգամ գրականութեան մէջ ձեռք չ'առնաւծ մի խնդիր է: Զը խօսելով մասնագիտորէն այս խնդիրին վերաբերելի վաստակների մասին, չը կայ մինչեւ անգամ կողմնակի կերպով էլ սրան վերաբերող գրւածքներ: Ըստ այսմ ինքս էի ստիպւած հումնիւթ որոնելու: Տարաբաղդաբար այս նիւթը՝ վերջին 10 տարւայ ոճիրների թւի ու տեսակների մասին՝ այնքան անբաւարար յայսնւեց, որ նրանց հիման վերայ եզրափակումներ անել — կը նշանակէր գիտակցաբար մոլորութեան մէջ ընկնել: Այժմ ես բաւականանում եմ միայն ցոյց տալով ոճիրների քանի մի նիւթիչ — գործիչները (ֆակտորները), իսկ ապագայում կ'աշխատեմ տալ հասարակութեանդ Երեւանեան նա-

¹⁾ Տե՛ս «Մուլգութեան» 11-րդ համարը:

Հանգի ոճիրների առաւել մանրապատում պատկերը։ Իսկ եթէ այսօրւան այս համառօտ նկարագրութեան մէջ մէկն ու մէկը ձեզանից նեղանայ իմ խօսքերից, յոյս ունիմ որ կը ներէ ինձ. որովհետեւ այս ամենը բղխում են հասարակութեանը և պետութեանը օդուակտօրէն ծառայելու ցանկութիւնից, որ և ես պարտաւորութիւն եմ համարում մեզանից ամենքի համար. միւնոնց ժամանակ errare humanum est—մարդս սխալական է։

Դասախոսութեանս առաջին մասում ասացինք, որ իբրև հիմունք ճանաչելու թէ մի երեսոյթ ոճիր է թէ ոչ, համարւում է մի ազգի հիմնական աշխարհահայեցողութիւնը։ Տեսնենք թէ ո՞րպիսի աշխարհահայեցողութիւն ունեցել են Երեանեան նահանգի բնակիչները։

Ներկայումս գործածւող Սլոյենի օ Հականիախ, ինչպէս արդիւնք եւրոպական կեանքի և գիտութեան, հասկանալի է, որ շատ անդամ չէ համապատասխանում նրանց հասկացողութեանը։ Մերկարան չը լինելու համար առաջ բերենք օրինակներ։

Սլոյենի օ Հականիախ 1637 յօդւածն այսպէս է որոշում կողոպտումը։ Կողոպտում համարում են նախ՝ որ և իցէ մէկին պատկանած կամ նրա մօտ գտնւած ստացւածքի խլելը բռնութեամբ կամ մինչև իսկ սպառնալիքներով, բայց այն տեսակի, որ այդ սպառնալիքներից կամ բռնութիւնից վտանգաւորութիւն չէ առաջացել ոչ նրա կեանքի, ոչ նրա առողջութեան կամ ազատութեան համար. երկրորդ՝ ամեն բացարձակ յափշտակութիւն ինչ և իցէ ստացւածքի նոյն իսկ ստացւածքի տիրոջ կամ ուրիշ մարդկանց ներկայութեամբ, թէկուզ առանց սպառնալիքների ու բռնութիւնների։

Պատժական կանոնադրութեան 1641 յօդւածն ասում է. — Եթէ կողոպտողը սպառազինած է եղել, թէկուզ և չէ գործադրել իւր գլնքերը՝ կողոպտողին նոյն իսկ սպառնալիք տալու համար, նրա արարմունքը համարում է աւագակութեան տեսակներից և նա դատապարտում է ամեն իրաւունքներից զրկելու և տաժանակիր աշխատանքների աքսորւելու 4-ից մինչև 6 տարի ժամանակով։

Այդ ոճիրի համար այբազիսի ծանր պատիժ նշանակելով՝ օրէնսդիրը առաջէ ունեցել այն ցանդքնութիւնը, որով յանցաւորը գործում է այս չարագործութիւնը և որը յոյց է տալիս ոճրագործի

լիովին փշացած լինելը և այն բռնութիւնը, որը նա գործում է անձնաւորութեան վերաց Բացի դրանից և այն հանգամանքը, որ Ռուսաստանում զէնք կրելը սովորական երեղմժ չէ և զէնքը ձեռքին այդպիսի մի գործ կատարելը արդէն լիովին բացաբարում է նրա յանցաւոր զիտաւորութիւնը և այս դիտաւորութեան ուժգնութիւնը այս դէպքում։

Երեւանեան նահանգում պատահում են երեղմժներ, որոնք լիովին այս յօդւածի տակն են ընկնում, բայց տեղական ազգաբնակութեան աչքում այդպիսի ոճրացին բնաւորութիւն չեն կրում։

Այսպէս, տեղական բնակիչների սովորութեան մէջ կայ, որ երիտասարդ մարդիկ, իրանց կտրիմութիւնը ցոյց տալու համար, գիւղի ծալրն են դուրս գալիս և խլում են մէկից զառ, միւսից մի քանի շացի և այն. հասկանալի է, որ այս ամենը կատարւում է բաւական սպառնալիքներով և՝ մինչև անզամ զէնքով, և այս ոճիր չէ համարւում։ Սա ընդհանուր անունով ասւում է՝ շուլուխութիւն, լոթութիւն, թալաքաց Որ Երեւանեան նահանգի բնիկները այսպիսի փաստերին յանցաւորութեան նշանակութիւն չեն տալիս՝ հիմունք ունի, և այնու, որ մենք տակաւին քաղաքակրթութեան այն աստիճանի վերաց կանդնած ազգութիւններ ենք, երբ ոճիրները դրամական, նիւթական և ոչ թէ դիտաւորութեան կողմից են գնահատում։ Մեր տեսակէտից՝ կողոպտումը համարւում է նշանաւոր ոճիր, եթէ կողոպտած ստացւածքը մեծ գին, արժեք ունի, իսկ եթէ մի գառ կամ մի այծ է, այդ յանցանք չէ, այլ՝ ինչպէս ասացինք՝ շուլուխութիւն, թալաքաց և այն։ Այս պատճառով այնպիսի փաստերն՝ ինչպէս օրինակ յացնի պարագաներում մի քանի գրւանքալ բամբակ կամ մի քանի մանէթ թոցնելը, որոնց մեր զատարանը, վերցիշեալ յօդւածի տակ ձգելով, ոճրագործներին գատապարատում է 4—6 տարւաց տաժանակրութեան—ասում ենք, այսպիսի փաստերը միայն շուլուխութիւն են համարւում։

Այսպէս և ցեղացին հակումները չեն կարող նմանապէս լինել իբրև որոշողութիւն երեղմժների ոճրանութեան. որովհետեւ մեր նահանգը չէ ներկացնում համացեղութեան միապաղաղ մի զանգւած։ Սլոյենի օ Հականիախ այն լաւ կողմն ունի, որ մենք, դրանով վացելում ենք եւրոպական քաղաքակրթութեան պառղ-

ներլ. իսկ նոյն ըստ ինքեան ներկայացնում է մի բաւականին գեղեցիկ կերպով մշակւած օրինագիրք:

Ընկերական երեսոյթները իւրաքանչիւր տեղի ուսումնասիրելու համար, պէտք է դիմել այն տեղի պատմութեանը. պատմութիւնն է այն արմատը, որի վերաց բնում աճում է յայտնի երեսոյթը. ուստի մեր նահանգի ոմիններն ուսումնասիրելու համար, կարեոր է գէթ հարեանցի նկարագրել մեր նահանգի պատմութիւնը:

Երեանի նահանգը 428 թ. մինչև 1827 թ.-1400-ից աւելի տարի—է ունեցել կառավարութիւն ա'ն մաքով, ինչպէս որ մենք ենք հասկանում: Պարսիկ մարզպանները, յոյն կիւրապազառները, սելճուկները, վրացիք, մոնղոլները, թիւրքերը, պարսիկները փոխ առ փոխ տիրել են այս երկրին և տերել են նըրան. նա եղել է կրկէս անվերջ պատերազմների, արիւնհեղութեան և ամեն տեսակ անօրինութիւնների: Երբէք այսաեղ ոչ մարդը և ոչ ստացւածքն ապահովութիւն չեն տեսել: Ուստի և հասկանալի է, որ այս երկրի բնիկների մէջ չեր կարող զարգանալ խղճմտանքը, ուրիշն զթալը, մարզպանիրութիւնը, որոնք պահում են մարդու յանցանքներ գործելուց: Ընդհակառակը՝ աճել հասունացել են զգացմունքները չարութեան, նախանձի, յանդզնութեան ու երկշութեան, ստորութեան ու սանձարձակութեան, որոնք մարդուն հրում, տանում են դէպի յանցանքներ գործելը:

Բայց Երեանի նահանգն եկող զանազան ազգութիւնները պատմութեան ընթացքում խառնւել են և այժմ ներկայացնում են երեք գլխաւոր խումբ, որոնց իւրաքանչիւրի յատկորոշ բնաւորութեանը դառնանք մենք:

Երկրիս նախարբնակները հայերն են համարւում: Երկար ժամանակ սրանք պատերազմներ են մզել մոնղոլական վայրենի հրսսակների դէմ, մինչև որ վերջապէս բոլորովին ընկճւել են: Կորցնելով իրանց առետուրը, արդիւնահանութիւնը ու հողերը՝ դարձել էին նւաճողների ֆահլաները՝ մշակները: Եթէ աչքի առաջ ունենանք անցեալ ժամանակների օրէնքները, չէ կարելի զարմանալ, որ հայերի քրտնաթոր վաստակներով օգտւել են ուրիշները, ընդ նմին և ստորացրել, անարգել, նրանց կինն ու որդիքը խլել յափըտակել են: Նրանք զրկւած են եղել դրեթէ բոլոր իրաւունքներից,

բացի սերելու իրաւունքից: Այսպիսի հանգամանքներն անհրաժեշտ օրէն պէտք է արմատառորելին նրանց մէջ չարութեան ու նախանձի զգացմունք: Քաղաքականասիս ստորագրւած իրանց նւաճողներին, բնականաբար պէտք է աշխատէին ձեռք բերել, որքան կարելի է, շատ նիւթական հարատութիւն, իսկ ացօրինակ գործունէութիւնը զարգացնում է մարդու մէջ հակումն ոճիրներ զործելու ստացւածքի-ունեցածի գէմ և նւազացնում է անհատի մէջ ոճրազործական զգացումներին ընդդիմադրող զգացումները: «Ձիմմաններին (քրիստոնեաններին) այսպիսի համակարգօրէն ստորացնելը, ասում է պրօճէսօր Գիրզաս քրիստոնեանների գրութիւնը արեւելքում նկարագրելուս, վերին աստիճանի կորստաբեր էր բարոյականի վերաբերմանը, ըստ որում դրա հետևանքն եղաւ ոչ միայն նւաճողներին և նւաճուողներին միմեանցից զատող ատելութեան զօրանալը, և հետևապէս արգելք եղաւ նրանց միանալուն — ձուլելուն, այլ, բացի դրանից, և խեղեց բոլոր աղնիւ կողմերը զիմմանների, որոնք հարկադրուած էին իրանց ապահովութեան համար զիմելու և՝ սուախօսութեան և՝ խաբեբացութեան իրանց ափրապետողների վերաբերմամբ: Այսպիսով նրանց ընդհանուր ոգին ու մտածողութեան կերպը ենթարկեցին ապականութեան. ուստի և զարմանալի չէ, որ մենք չենք զտնում նրանց մէջ ոչ հայրենասիրութիւն, ոչ ձգտում դէպի հանրական բարիքը — այլ իւրաքանչիւր ոք մտածում է իւր սեպհական շահերի համար»:

Երեւանի նահանգի մէջ ու ուսների երեւան գալով, պատմական-օրէն հայազգի մէջ այնպիսով առաջացած, հասունացած ոճրազործական գծերը, երբ մի փոքր ազատութիւն ստացան, չը խուսափեցին լոյս տեսնելու: Յայտնւեցին մի քանի գիւղերում խաչազողներ, որոնք գնալով Խուսաստան՝ ճեւացնում էին իրանց յոյն քահանաներ և փողեր էին ժողովում իր թէ յօդուտ Փրկչի գերեզմանի, կամ իր թէ կամուրջների, եկեղեցիների, վանքերի շինութեան համար: Նրանցից յետոյ յայտնւեցին կեղծ թղթադրամներ շինողներ, և Երեւանի նահանգական դատարանը ունեցած է արդէն մի քանի խոշոր դատեր այս մասին:

Ասում են, քասն տարի սրանից առաջ Երեւանում եղել է բաւական յայտնի հայերի մի ընկերութիւն, որոնք դատեր են յա-

րուցել և իրանք վկայութիւններ տալրվ, ստացել են մասը շահած գործից։ Այժմ, որքան ես նկատել եմ, հայերի մէջ տարածւած են ոճիրներ ստացւածքի դէմ, այն է՝ ինամակալական, հողաբարձական գործերում ժառանգութիւններ ստանալու, իրանց մնանկ հրատարակելու, խարդախութիւններ, կեղծիքներ գործելու վերաբերութեամբ և այն։

Դառնանք թուրքերին։ Ո՞ր ճանապարհով են նրանք եկել Երեւանի նահանգը, ես ճշգութեամբ որոշել չեմ կարող բաց նրանց մեծամանութիւնն ասում է, որ նրանք Ղարաբաղից եկածներ են։ Առհասարակ շատ հիմունքներ կան ենթաղրելու, որ նրանք Թաթարստանից և Թուրքմենստանից եկել են այսոեղ Կասպեան ծովի ափերով։ Այս խնդիրը կարևոր է մասամբ նրա համար, որ հաստատում է նրանց մոնղոլական ցեղից ծագիլը։ Նրանք եկել են մեր երկիրը իբր աշխարհականներ կիսավայրենի հրոսակներով—չիմանալով ոչ երկրադործութիւն և ոչ ազգեգործութիւն։ Նրանք իրանց համար կերակուր էին հայթհայթում անասնապահութեամբ, աւարառութեամբ և զինորական ծառացութեամբ։ Կենցաղավարութեան այս ձեւը զարգացրեց նրանց մէջ ծուլութիւն, արիւնաբրութիւն և հակումն չը ճանաչելու ուրիշ մէջ և ոչ մի իրաւունք՝ ոչ անձնական և ոչ սեպհականութեան։

Սոյնպիսի զգացումներ նրանց մէջ պէտք է զարդանացն և այն պատճառով, որ նրանք գտնւած են եղել այն ժամանակւաց սկարսկական սովորութիւնների ազդեցութեան տակ, ունեցել են բարոյականութեան վերայ նրանց հայեացքը և առհասարակ եղել են այնպիսի վարք ու բարքի տէր, որ ներկայացել է զեռ Ասորեստանից, Բաբելոնից ու Պարսկաստանից Աղէքսանդր Մակեդոնացու և նրանից յետազայխառնակ ու ցոփ շրջաններից ժառանգութիւն ստացած։

Ուստի Երևան գալը թուրքերին նեղ շրջանակի մէջ զրեց։ Նրանք հարկադրւած էին թողնելու իրանց կենցաղավարութեան նախկին ձեւը և սովորելու երկրագործութիւն ու ազգեգործութիւն։ Այդ նրանց յաջողւեց։ Հարատանալով՝ նոքա թօթափեցին իրանցից սուսների դալու պատճառով վրաներն ընկած երկիւզը, զգացին իրանց սուս քաղաքացի, միւսների հետ հաւասար իրաւունքի տէր և, ինչպէս իրանց եղբայրակից հայերը, շատ չ'անցաւ, ցոյց

տուեցին իրանց հոգեկան կազմութեան բոլոր հակումները։ Արա հետեանք եղան ահազին քանակութեամբ սպանութիւնները, աւարներն, աւազակութիւններն ու առեանդութիւնները (կանանց)։ Թուրքի աչքում ոչինչ տարբերութիւն չը կար մարդ թէ հաւ սպանելու մէջ։ Խսկ օտարինը գողանալ—յափշտակելլ՝ շատ սովորական երեսից է։ Առանձնապէս զակառող էին հայի ու քրդի ստացւածքի։ Նրանց աչքում քրիստոնեաների ստացւածքից ապօրինաբար օգտըւիլը մեղք չէր, խսկ տաելը քրիստոնէի առաջ, նրան խարելը—առաքինութիւն էր, իաց ինձ թւում է, որ ոճիրների խնդրում անհրաժեշտ է զանազանել մեր նահանդի մննդոլական ծագում ունեցող թուրքերին իրանական, այսինքն՝ թրքացած պարսիկներից, հայերից և քրդերից։ Եւ այս վերջիններից շատ կան մեր նահանդում։ Նրանք խօսումեն քրդերէն, անուանում են իրանց միլլի, զարաւորլի, շահնար և ապն, և իրանց բնաւորութեամբ ու հակումներով գէպի ոճիրները առաւել նմաննում են իրանց արմատական ցեղակից հացերին ու պարսիկներին, քան թէ թուրքերին։

Երբորդ խումբը ներկայացնում են քրդերը։ Եօպէնի կարծիքով, մեր նահանդի ծացրերը քրդաբնակ է արել Երևանի վերջին խանը, որպէս զի նրանք խանութիւնը հարեանների յարձակումներից պաշտպանեն։ Եւ հէնց իրանց սկզբնական հայրենիքում—Տաճկաստանում քրդերը միշտ ծառայել են իրեւ տարականոն զօրք։ Այս՝ նրանց կենցաղավարութեան եղանակը խաշնարածութեան հետ միացած՝ առաջացրել է նրանց մէջ ծուլութիւն, աշխատելու անընդունակութիւն, օտարի վաստակով ապրելու հակում։

Քրդերը միշտ եղել են ու են խաշնարածներ և, ինչպէս արիական ծագում ունեցող ժողովուրդ, արիւնարբու չեն։ այս պատճառով և նրանց մէջ կատարում են ստացւածքի գէմ ոճիրներ։ Քուրդը սպանել չէ սիրում։ այլ նա գող և կողոպտիչ է և այս նրա համար արհեստ, եղանակ է կերակուր հայթհայթելու։ Նա չէ կարող ապրել առանց գողութեան ու յափշտակութեան, առանց սնունդ ճարելու այդ անհրաժեշտ եղանակից։

Ցոյց տալով ասածս ազգերի իւրաքանչիւրի բնարուշ ոճիրները, չեմ կարող և ցոյց չը տալ այս ազգութիւնների միմեանց վերայ արած ազդեցութիւնները։ Հայը, որ վաղուց զաղարել էր գէնք գործ

ածելուց և, ինչպէս թուրքերն են ասում, վախում էր արիւնից, սկսեց թուրքերից օրինակ վերցնել. այս պատճառով էլ սպանութիւնները հաջերի մէջ ևս գարձան յաճախական երևոյթներ. թուրքն էլ իւր կողմից սկսեց հաջից սովորել ունեցածի դէմ ոճիրներ գործել:

Երևանի մէջ մի խումբ թուրքեր կան, ասում են, որոնք զբաղւած են միայն միմեանց հոգաբարձու, իննամակալ ընտրելով և այսպիսով միմեանց դիւրութիւն են տալիս առաւել հեշտութեամբ կողոպտելու: Ինչ վերաբերումէ քրդերին, սրանք, ի շնորհս հացի թանգութեան, շատ արօսատեղեր ցանքերի վերածւելով—մանաւանդ անցած թանգութեան պատճառով—համարեա թէ կորցրեցին իրանց տնտեսական անկախութիւնը և ցրւելով թուրք ու հաց գիւղերում՝ հովիւններ դարձան: Ընդունակ էր լինելով որ և իցէ այլ աշխատանքի, նրանք վարձում են չնչին գներով և ապրում են մանր-մունր զողութիւններ անելով: Տնտեսական ճնշւած զրութիւնը նրանց մէջ զարգացնում է նենգամութիւն, խարզախութիւն և հնարագիտութիւն: Նրանք քիչ-քիչ ընտելանում են սպանութիւններ գործելուն, որ վերջին ժամանակներս նրանցում դարձել է բաւական յաճախական երևոյթ:

Դառնալով ոճիրներ կատարելու եղանակների յատկութիւններին՝ կը նկատեմ, որ թուրքերը մեծ մասամբ ոճիրը գործում են ծածուկ—դարան մուած, գիշերը և միայնակ. հայերը՝ խմբով, բաց տեղում և լոյս ցերեկով. քրդերը՝ խմբով և մի առանձին աղմկալից հարաց-հրոցով: Օրինակի համար, ասենք թէ երեք գիւղ—հացի, թուրքի և քրդի թշնամանում են միմեանց հետ. թուրքերն իրանց թշնամիներից որ և իցէ մէկին դարանից կը տան վեր կը ձգեն կամ մի տեղ, գիշերը մենակ գտնելով, կը քարշեն, կը խեղդեն ու դիակը կը ծածկեն. հայերը գիւղովին կը հաւաքւեն, կ'առնեն հրացանները, թրերը, մահակները և կը յարձակւեն իրանց թշնամիների խաշների վերայ, կը քշեն, կը բերեն իրանց տները կամ սահմանից անցկացնելով կը ծախուցեն Պարսկաստանում կամ Տաճկաստանում: Աթէ նրանց յետելոյ թշնամիները հետամուտ լինին, նրանք սկզբում փախուստ կը տան, լեռոց կը դառնան, կուտի կը մանեն: Միայնակ ցանցանք կատարելուս, ընդհանուր քրդական սովորութիւն է՝ յարձակւելու ժամանակ առա-

ջուց իմաց տալ թշնամուն իւր դիտառորութիւնը հետեւալ խօսքերով. «պատրաստւե՛ր, գալիս ևմ»:

Մեղանում տարեկան կատարւած ոճիրների թիւը որոշել անկարելի է. բայց մենք առաջ կը բերենք պաշտօնական տւածներից միայն 1886 թ. համար:

Քրէական զանազան ոճիրներ, որոնց առիթով դատ է բացած, 1226 է եղել. այս թւում 164 սպանութիւն, 70 սպանութեան փորձ, 221 վիրաւորութիւն, 28 յափշտակութիւն կանանց, 133 հրաձգութիւն, 22 ընդդիմութիւն իշխանութեան:

Կարծիք չը կայ, որ այս չէ բոլոր ոճիրների թիւը, որովհետեւ աեղական ազգաբնակութիւնները սովորաբար ծածկում են յանցանքները: Նատ եղեւներ, դողութիւններ, հրաձգութիւններ իշխանութեան չեն հաղորդւած, բայց որում վեսաւողն ու չարադրծը հաշտում են իրար հետո: Խնձ մի բաւականին ճշմարտանման փաստ են պատմել: Քրդական երկու ցեղ կոււել են իրար հետ, որի հետեանքը եղել է 10-ից աւելի մարդասպանութիւն: Խնչպէս է լինում, տեղական ոստիկանութիւնն իմանում է այդ և հետամուտ է լինում նոյն իսկ տեղում ոճիրը խարմ բոնելու: Քրդերն էլ իրանց կարգին իմանում են ոստիկանութեան զիտաւորութիւնը: Երբ ոստիկանութիւնը ոճիրի կատարւած տեղն է գալիս, գտնում է բոլոր քրդերին միասին նստած և գառներ մորթուսելուս: Քրդերը աճապարանօք զիակները թաղած, եղեռը ծածկած են եղել, իսկ գետնի վերայ թափւած արեան մասին ամել են, որ իրանց տօնի պատճառով շատ մորթած գառներիցն է:

Այսպիսի երեւոյթ հասկանալի է, որ ունի շատ պատճառներ մեր կեանքի մէջ խորն արմատներ ձգած, և մինչև որ մենք այս պատճառները չը լուսաբանենք, չենք կարող ոչ մի արմատական միջոց գտնել մեր ողջ գոյութեան, մեր երկրի ու ազգութիւնների բնաւորութեան հետ կապւած ոճիրների դէմ մարտնչելու համար. մենք պէտք է վերլուծենք տեղական կեանքը, նորա հիւանդ կողմերը, որոնք և կազմում են մեզ համար այսքան սոսկալի հետեանքների պատճառները: Մենք պէտք է ցոյց տանք ընկերական չարիքների այն խմբերը, որոնց արդիւնքն են մեր ոճրագործութիւնները, —ուրիշ խօսքերով՝ պէտք է ցոյց տանք ոճիրների շարժառիթները — դործիչները (ֆակտոր): Այս գործիչներն են՝

Մեր աշխարհի ցեղական կենցաղավարութիւնը և վրէժինդրութիւնն՝ իբրև նրա հետևանք, Քրիստոսի և Մահմէջի վարդապետութիւնների վատ մեկնաբանութիւնը, կնոջ ստորագրական վիճակը, տեղային ազնւականութեան բնաւորութիւնը, ազգութիւնների փոխադարձ թշնամական յարաբերութիւնները և խորին տղիսութիւնը, ընտրողական սկզբունքը, Պարակաստանի ու Տաճկաստանի ազդեցութիւնը:

Կրօն: —Գիտնականներից և հրապարակախօսներից շատերն ասում են, որ քրիստոնէութիւնն ու մահմէջականութիւնը, չը նայած իրանց բոլոր սրբութեանը, սիալ մեկնութիւնների շնորհիւ, ոճիրներ են ստեղծում—առաջ բերում:

Ասելով այս քրիստոնէութեան վերաբերմամբ՝ առաջ են բերում հետևեալը. —Քրիստոսի վարդապետութեան հիմնական սկզբունքներից մէկը՝ ուրիշի գործածը ներողամտութեան տալն է: Փրկիչն ասում է. «Եթէ քո մի թշին ապտակ զարկեն, միւսը դէմ արա՛»: Առ Կորնթացիս առաջին թղթում ս. Պօղոս առաքեալն ասում է. —«Եւ հէնց այն էլ նւաստացուցիչ է ձեզ համար, որ դուք միմեանց մէջ երկպառակութիւն ունիք: Խնչո՞ւ ձեզ համար առաւել լաւ չէ մնալ արհամարհւած. ինչո՞ւ ձեզ համար առաւել լաւ չէ կրել զրկանքներ»:

Այս սիալ գաղափարները, ասում են հրապարակախօսները, ժողովրդի մէջ թափանցելով, ստեղծում են այնպիսի տիպեր, որոնք չեն մաքառում իրանց իրաւունքների համար, չեն պաշտպանում իրանք իրանց և այսպիսի վարմունքներով զիւրութիւն են տալիս—հրաւիրում են հասարակութեան միւս չար անդամներին ոճիրներ գործելու:

Այս վերջիններս իրանց դէմ բողոքներ չը տեսնելով, սովորութիւն են դարձնում անարդարութիւններ գործելը, և այսպիսով հասարակութիւնը երկու բանակի է բաժանում—անարդարութիւն հանդուրժողներ, տանողներ և գործողներ: Այդպէս չէր լինի, ասում են հրապարակախօսները, եթէ իւրաքանչիւր ոք աչքի առաջ ունենար երեւլի ներինդի խօսքը՝ կուի մէջ կը գտնես քո իրաւունքը, կամ միւնոյն է, եթէ հոռմէական սկզբունքին հետևէր՝ si vis pacem-para bellum—եթէ սիրում ես խաղաղութիւն՝ պատրաստի՛ր

պատերազմի: Այն ժամանակ ոճրացին բնազդումների տէր մարդիկ ընդդիմագրութեան հոս առնելով, սիրտ չէին անիլ ոճիրներ գործելու:

Եթէ մեր Երևանինահանգի կեանքի մէջ փաստեր որոնենք, այսպիսիները կը գտնենք, որոնք կը հաստատեն սոյն տեսութիւնը: Օրինակ՝ գեօկչեցի ու աբարանցի հայերը, որոնք ընդհանրապէս իսկական քրիստոնեայ են համարւում, կորցրել են իրանց իրաւունքները ձանաշելու և պաշտպանելու ընդունակութիւնները, և միշտ էլ իրանց դրացիների յափշտակիչ յարձակումների առարկայ են. շատ յաճախ դուք կը հանդիպէք նրանց մէջ տանուաէրի կամ հարատի, որ կողոպտում է, անարգում է ամբողջ գիւղը, և այդ տանում են բնակիչներն ասելով, որ նա Աստուծոյ երեսից ընկածի մէկն է, Աստուծանից վախ չ'ունի:—Զանն ինձանից—հողին նրանից: Այս տեղերի մարգիանց այսօրինակ կրաւորական վարմունքը դէպի իրանց իրաւունքները առանձնապէս աչքի է ընկնում, երբ նրանք եալազտեղերում վիճում են արօտատեղերի համար. նրանք միշտ զրկած են և միշտ քրիստոնէավայել համբերութեամբ տանում են զրկանքը: Եւ որքան նրանք համբերող ու տանող են, այնքան էլ նրանց դրացիք՝ յանդուգն ու յանցաւոր:

Այս և սրա նման փաստերը, ըստ Երևոյթին, պէտք է մեզ համոզեն գիտնականների վերոցիւեալ հայեացքի մէջ. բայց հարկաւոր է ասել, որ այսպիսի Երևոյթների պատճառը նաև ուրիշ ընկերական գործիչներ են, ինչպէս օրինակ՝ զէնք բանացնելու սովորութեան կորցնելը, տեղադրութիւնը, բնակիչների պատմութիւնը և այն:

Մահմեդականութիւնն, ասում են Եւրոպական գիտնականները, հետզետէ պատերազմ և ոճիրներ է առաջ բերում:

Իրանց հայեացքն ապացու ցանելու համար, Եւրոպական գիտնականները զիմում են զուրանի և մուսուլման իրաւագէտների հետեւալ տեղերին.

Իպամն, ասում է Բերեօզին, սուր կերպով բաժանում է մուսուլման աշխարհը (գար-էլ-խալամ) անհաւատների աշխարհից (գար-էլ-խարը) և վերջիններիս դէմ Մահմէդի ժամանակից քարոզում է ջէհամթ կամ հազրվատ—պատերազմ անհաւատների հետ: Զէհամթի հիմքը հետեւալ կանոնն է զուրանի.

Արողէս զի թշւառութիւններ չը լինին, ոպանեցէ՛ք բոլոր հե-

թանոսներին և սպանեցէ՛ք այն ամենին, որոնք չեն հաւատում՝ Ասոուծուն և վերջին դատաստանին:

Իլրութիւն սրա՝ թ. զլիսում, Յ9 պարբերութեան մէջ գտնում ենք.

Նթէ դուք չը զնաք պատերազմի, Աստուած կը պատժի ձեզ ծանրազին պատժով։ Մահմէդ—Ալիի շարադրութիւնների վերաբերմամբ Դուրուլ-Մուխտարի քննական գրւածների մէջ ասւած է.

«Թողլ է արւում վերցնելու — կրելու անհաւատների պատերազմների մէջ ընկածների զլիները՝ թէ վրէժինդրութեան յագուրդ տալու և թէ անհաւատների կատաղութիւնը բորբոքելու համար։ Նոյն տեղում.—

«Անհաւատների գերեզմանները թողլատրելի է բանալ՝ նրանց մէջ թաղւած գանձերը հանելու նպատակով։ Արգելում է որդուն իւր անհաւատ հօրն սպանելու, որին նա (որդին) պէտք է այնպէս անի, որ ուրիշի ձեռքով սպանւած լինի։»

Որովհետև կանանց ու մանուկներին արգելում է սպանել, այս պատճառով նրանց, որոնց անհնար է զար-էլ-իսլամ ու զարկելու, պէտք է ձգել, թողնել անապատ տեղերում, որ նրանք քաղցից ու ծարաւից մեռնեն:

Սակայն դիտնականների այսպիսի ենթաղութիւնների հակառակն խօսող փաստեր ևս կան։ Մահմէդը խիստ տարբերում է քրիստոնեաններին հեթանոսներից, որոնք չեն հաւատում ոչ Աստուծուն և ոչ վերջին օրին։, և որոնց դէմ էլ նա քարոզում է անողոք պատերազմ։ Բացի դրանից ինքը մարգարէն երբէք չէ քարոզել այնպիսի գազանութիւններ, որոնց օրինակները մենք բերինք Դուրուլ-Մուխտարից։ Ընդհակառակը՝ զուրանում—բ. զլ. 186 պարբերութեան մէջ՝ մարգարէն ասում է.

«Պատերազմեցէ՛ք Աստուծոյ ձանապարհի վերայ նրանց դէմ, որոնք յարձակում են ձեզ վերայ. բայց մի՛ վարելք անարդար, առաջինը դուք յարձակելով նրանց վերայ. ըստ որում Աստուծուն հաճելի չէ անարդարութիւնը»

Մի քանին ասում են, որ զուրանից առաջ բերած կողը պարզ կերպով ցոյց է տալիս, որ ջէհաթը այն ձեռվ, որ նա է ներկայանում, ամենենին զուրանի խսկական միտքը հասկանալու արդիւնք չէ, այլ այն չը հասկանալու արդիւնք է։

Միենոյն բանը հանդիպել է և քրիստոնէութեանը միջին դարերում:

«Փոխանակ, ասում է այդ առիթով Կիտոեակովսկին, քրէական իրաւագիտութեաննորողական սկզբունքներ ներկայացնողիւր այն հիմնագրի հեղութեանն ու դժարտութեանը հետևելու, միջնադարեան եկեղեցին գիմելէ մի այլ աղքիւրի, աղքիւրի՝ վրէծխնդրութեան, մոտավաշտութեան և աններողամտութեան ոգով տոգորւած աղքիւրի, քրիստոնէական կրօնի Հիմնադրի վարդապետութեան սուր հակառակութիւնը կազմող»:

Դիանական կանոնիկոսների գրւածներից կարելի է մեծաթիւ օրինակներ բերել, որոնք իրանց գամանութեամբ չեն չեն մնալ «Դուրութիւնութեարից վերևը բերւածներից»:

Խօսելով ապաստանի իրաւունքի մասին, Կլարը մերժում է այն հրէաներին, Քրիստոսի հաւատադրուժ թշնամիներին, որոնց չը պէտք է որ և իցէ մարդասիրութիւն ցոյց տրւի:

Քրիստոնէութեան ու մահմեդականութեան հիմնական սկզբունքները մասամբ ոճիրներ առթելու խնդրում՝ պէտք է առանձին ուշադրութիւն գարձնել նրանց մեկնաբանելու վերայ:

Եանը նրանումն է, որ ինչպէս քրիստոնէութիւնն, այնպէս և մահմեդականութիւնը վատ են հասկանում նրանց վարդապետները—մեկնիչները: Կարծիք չը կայ, որ հայ քահանաներից, մահմեդական ախունդներից շատերը, իրանց կրթութեան այսպիսի վիճակում, չեն կարող աստուածային վարդապետութեան մտքերը հասկանալ: Փրկչի վարդապետութիւնն իւր ֆիլօսօֆիայական բոլոր խորութեամբ և յաւիտենական ճշմարտութեամբ երբէք չի կարող լիովին ըմբռնելի լինել անզարդացած, նանիր փառասիրութեան անձնատուր եղած հոգեւորականին:

1879 թւականին, երբ մեզանում սով էր, քրդերը քաղցած ու մերկ գիմում էին հայ գիւղերը և խնամեւում: Մի տօն օր, իրանց սովորութեան համեմատ, հայերը գերեզմանօրհնէք գնալով, այնուղ հացեր էին բաժանում աղքատներին: Գերեզմանանաներից մէկին մօտենում են և այդ քուրդ աղքատները: Տեղական հայ քահանան, առանց երկար մտածելու, վոնդում է նրանց ասելով, որ նրանք սրբաւղջում են գերեզմանները: Լաւ էր, որ գիւղցի ծերունիներից

մի քանիսը, նրանց յետևից՝ գնալով, կերակրեցին այն ողորմելի քաղցածներին։ Մեզանում կային մօլլաներ, որոնք սուս վկաներով շահում էին խախտած տիրապետութեան վերականգման վերաբերեալ դատերը տեղեկութիւններ ժողովելով։ Հայ գիւղացիներին պատկանած հողերի սեպհականութեան իրաւացիութեան մասին Մի մօլլա պատմում էր, որ իւրաքանչիւր մի քրիստոնեայ սպանելու համար Տէր Աստուածն այն աշխարհում ուղղադաւանին կը շնորհի 2.000 հրեշտականման հուրիներ, իսկ քրիստոնէուհի պղծելու համար՝ անթիւ անհամար հուրիներ և նոյն քրիստոնէուհուն։ Մօլլայի մէկը քարոզում էր՝ սպանել նշանաւոր և լաւ կարողութեան տէր հայերին, ասելով՝ որ այդ անհրաժեշտ է քրիստոնէութիւնը տկարացնելու և իւլամը գօրացնելու համար։

Ցեղական կենցաղ։ Մեզանում ոճիրների գործիչներից մէկն էլ ցեղական կենցաղն է կամ ցեղական կենցաղի մնացորդները։ Ցեղասւածը ընկերավարական այնպիսի միութիւն է, որի անդամները կապւած են միմեանց հետ ազգակցութեամբ ու շահերով։ Ցեղական կենցաղը ազգերի պատմութեան մէջ միայն այն ժամանակ է երեան գալիս, երբ նրանք բարձր են կանգնած ընտանեկան իրաւա-յարաբերութիւնից, բայց տակաւին չեն հասած պետական իրաւա-յարաբերութեան։ Զարգացման այս աստիճանի վերաց մարդը անձնատուր է իւր ցեղի շահերին, պարտաւոր է պաշտպանել իւր ցեղակիցներին և, ուր պէտք է, պատերազմ մղել իւր ցեղակիցների թշնամիների դէմ։ Բայց որովհետեւ ուր կայ ցեղական կենցաղ, այնուեղից էլ միշտ անպակաս են թշնամանքն ու կոփները, ուստի սրանից հետեւում է, որ ցեղական կենցաղավարութիւնը պարտաւորապէս առթելու է և առաւել ոճիրներ։

Ցեղական կենցաղավարութեանը յատուկ է արիւնով վրէժիսրնդրութիւնը, որի համաձայն ցեղի իւրաքանչիւր մի անդամի վերաց պարտաւորութիւն է զնւում՝ վրէժ առնել իւր ցեղակիցներին տւած բոլորատեսակ վիրաւորանքների փոխանակ։ Այս վրէժը լուծելու ցեղի իւրաքանչիւր անդամին զրդում է, այսպէս կոչւած թասիբը։ Թասիբը քաշ-նախանձայոց-վրէժաւու-սա մեր նահանգի մէջ ամենալաւ ածականն է, որ կարելի է տալ տղամարդին։ Մեր արիւնով վրէժինդրութիւնը նկատել ու նկարագրել է մեր նա-

հանդի զրականութեան հայր հանգուցեալ Շօպէնը: Նկարագրելով Սարդարի ժամանակները, ահա՛ թէ ինչ է ասում նա.

«Քրէական իրաւարանն առաջնորդումէ շատ պարզ օրէնքներով՝ արիւնը փոխանակ արեան նրանց հիմունքն է եղել: Սպանողին տալիս էին սպանւածի մօտ ազգականների ձեռքը և վերջիններս իրաւունք ունէին կամ նրանից արեան գին—փրկանք առնելու կամ նրան կեանքից զրկելու:

Վրէմն այն աստիճան կարեոր կենսական տարր է քաղաքակրթութեան յայտնի աստիճանի վերաց, որ բանաստեղծները նրան մարդու համար ամենաթանկագին բաներին են հասցնում: Այսպէս օրինակ՝ Պուշկինի «Պոլտավա»-ի մէջ Կօչուբէյն է ասում.—

Այսպէս սըխալւել չէք դուք՝ երեք գանձ
Այս կեանքում էին իմ բերկրանքը.—
Իմ պատիւն էր իմ առաջին գանձ,
Եւ այդ գանձը ինձնից կորզեց տանջանքը:
Իսկ գանձը երկրորդ՝ էր անդառնալի,
Դրատեր պատիւն իմ յոցժոյժ անձկալի,
Գիշեր և ցերեկ դողում էի վրան —
Այդ գանձը ինձնից խլեց Մազեալան,
Բայց պահել եմ ես իմ գանձը վերջնական.
Երրորդ այն գանձը՝ վրէժս է սըրբազան,
Որով պատրաստ եմ գընալ առ Աստուած...

Իսկ շատ ուրիշները, ինչպէս օրինակ՝ դարվիշները, որ ահագին ազգեցութիւն ունին ժողովրդի վերաց, վրէմն աստուածային յատկութիւն են դարձնում: Պօֆէսօր Վամբէրին առաջ է բերում Աստուծոյ եօթ յատկութիւնը, որոնք դարվիշների մի քանի ուխտերը օրը մի քանի անգամ պարտաւոր են արտասանելու, և այս յատկութիւններից մէկն էլ՝ վրէժխնդրութիւնն է: Ահա՛ նրանք.

«Զը կայ այլ Աստուած, բացի Ալահից,
Ո՛վ Աստուած.
Նա մի է և ուրիշ ոչ ոք.

Ո՞վ արդար
Ո՞վ կենսունակ կենահրաշանմահ—
Ո՞վ կատարեալ
Ո՞վ վրէժինդիրու»

Մեզանում—Երևանի նահանգում—եթէ լաւ ներս թափանցենք կեանքի մէջ, կը տեսնենք, որ իսկապէս ցեղական կենցաղավարութիւն չը կայ, ինչպէս որ այդ հասկանում են պատմաբաններն ու իրաւաբանները. բայց առանց սխալւելու կարելի է ասել, որ մէնք գտնուում ենք ցեղական կենցաղավարութիւնից պետականին անցնելու անցողական շրջանի մէջ։ Ընկերական այս աստիճանի զարգացման շնորհիւ, մեր նահանգի ստորին դասակարգի գաղափարները մէծ մասամբ պտոյա են առնում ցեղական հասկացողութիւնների շրջանում։ Այս հասկա նայի անելու համար, օրինակ բերենք Ենթադրենք թէ մի որ և իցէ գիւղում սպանութիւն է կատարել։ Զարադործի ազգականները չեն նայում այդ երեւոյթի վերայ պետական սկզբունքների տեսակէտից, այսինքն՝ չեն նայում իրանց ազգականի վերայ իբրև պետութեան առհասարակ մնասակար անդամի վերայ։ Նրանք նայում են նրա վերայ ցեղական հասկացողութիւնների տեսակէտից, պաշտպանում են այդ չարագործին, ինքեանք սկսում են թշնամաննալ հակառակ կողմի հետ և սրանից առաջանում են անհամար ոճիրներ։

«Կովկասեան լեռնացիների Ազաթներում» պրօֆէսօր Լէօնտովիչը այս խնդրի վերաբերմամբ բերում է այնպիսի բնաորոշ օրինակներ, որ կարծես մեր կեանքից լինին վերցրած։

Ինիկը մի սպանութիւն կատարելով—ամենատեսակ հնարներ է դործ գնում, որ վրէժից ազատուի կամ որ իւր ազգականի արեան փոխարէն թափի երկու—երեք և, որքան կարելի է, շատ մարդու արիւն։

Իորբոքւած արիւնինդիրը չէ որոնում ցեղակցութեան աստիճաններ թշնամի և ատելի ազգատոհմի անդամների մէջ։—Նա շատ անդամ սպանում է սպանիչի ամենահեռու ազգականին, ով որ ընկնի նրա քինացոյզ սրի տակ։ Մինչև անգամ պատահում է, որ սպանւածի ազգականները՝ կուրացած մոլեգին թշնամութեամբ դէպի իրանց արիւնինդիրները և աչքները մթնացրած թափւած ա-

բիւնով—սպանում են բոլորովին անմեղ մի մարդու, սխալմամբ սպանիչի ազգականների տեղը դնելով նրան։ Այսպիսով արեամբ վրէժինդրութիւնը հարսածի տակ է ձգում սպանիչի ամենահեռու ազգականներին անդամ և կողմնակիններին։ Երկու գերդաստանի քիւնախնդրութիւնից ծագում է երեք տոհմի թշնամութիւն։

Նատ անդամ սպանուածի ազգականները, վրէժ առնելուց յետոյ, հալածում են վրէժ առնուածի ազգականների կողմից այն հիման վերայ, որ մինք միւսից առաւել լաւ, առաւել քաջ, պատւառը էր սպանուել, որ առաջինի կեանքը երկրորդինից առաւել թանդ է եղել և այս տեսակ պատրւակներ։ Երկու կողմից էլ լինում են մի քանի զոհեր։ արեամբ վրէժինդրութիւնը ամբողջ սերունդների է անցնում։

Եւ այսպէս մեզանում կան պատմական անցողականութիւն, յեղացին կենցաղավարութիւն, և նրանց հետ միասին վրէժ, որոնք և ոճիրների գործիններից մէկն են կազմում։

Ոճիրների երրորդ գործից նրեանի նահանդում կարելի է համարել կնոջ բոլորովին սոսորադրական վիճակը։ Արեւելքում կնոջ դրութեան մասին շատերն են զրել։ այնպէս որ այս առիթով աւելորդ է իմ կողմից խօսք ասելլը, միայն ես առաջ կը բերեմ ընտանեկան կեանքի ազգեցութիւնն արեւելքում ոճիրների վերաբերմամբ։ Աչա՛ թէ ինչպէս է նկարագրում այն պրօվիէսօր Վամբէրին։

«Եթէ խորագննին կերպով ներս թափանցելով արեւելեան ընտանեկան կենցաղավարութեան մէջ մենք կազմենք նրա ընդհանուր պատկերը, վրան կը նկատենք հետեւեալ—առանձնապէս եւրոպացուաչքին ընկնող—գծերը։ Նախ՝ եւրոպացին արեւելքում ոչ մի տեղ չի գտնիլ այն սերու կենակցութիւնը, այն մտերիմ բարեկամութիւնը և սէրը, որոնք ընտանիքի էական բնաւորութիւնն են կազմում։ Բաժանականութիւնն ու ներքին աններդաշնակութիւնը, ինչպէս սառցալին թելեր անցնում են մահմեղական կենցաղի ամբողջ հիւսւածքի միջով։ ամեն ինչ կարկամում է նրանց ազգեցութեան տակ, նոյն իսկ ընտանեկան շէնքը թւում է երերուն։ Քանի որ մարդ և կին օրւայ մեծ մասն անցնում են առանձնակի, այդ պատճառով նրանք ոչ միայն իրար հետ չեն բաժանում ուրախութիւնն ու վիշտը, ոչ միայն կեանքի մէջ միմեանց

նեցուկ և օգնական չեն, այլ և տան մէջ երկու կուսակցութիւն են՝ կազմում, որոնց կրօնական ու քաղաքացիական: օրէնքը անջրապետէ մի բարձր պատով և որոնք, եթէ բոլոր սրտով ցանկանան էլ, չեն՝ կարող միանալ ու միենոյն նպատակին ձգտել: Դրանից յետոյ—շարունակում է Վամբէրին—ոչ միայն մահմեդականների մէջ, այլ և ամբողջ արևելքում ապշեցուցիչ է որդոց յարաքերութիւնը դէպի ծընողները, որոնք հիմնւած են առաւել յարգանքի քան թէ սիրոց վերայ: Նոյն իսկ երեսահանց դիտելուս երեսում է, որ այստեղ սառը տովորութիւնն է տիրում և ոչ սէրը, որովհետեւ վերոցիշեալ յարգանքը ցոյց է տրում հօրը և ոչ մօրը:

Վամբէրիի առաջ բերած խօսքերը զրկում են արևելեան ընտանիքը սիրուց, ոճրագործութեանը ընդդիմադրող ազդ գլխաւոր ուժից: Այս սէրը ինչպէս ծնողաց, այդպէս էլ որդոց մէջ ոչ միայն չէ զարգանում, այլև ճնշւում, սեղմուում է: Եթէ մենք սրա հետ միասին աչքի առաջ ունենանք, որ այս ամենը ազդում են հոգեկան կազմութեան վերայ, ուր և առաջ է բերում մի յայտնի անկատարութիւն, որը ժառանգաբար անցնում է դարուց զար և զօրեղանում է, այն ժամանակ մեզ համար պարզ կը լինի թէ ինչո՞ւ արեւելցին այնքան գազանաբարոց է, քնքշութիւնից զուրկ և աւելի հակւած է ոճիրներ գործելու անձնաւորութեան դէմ: Բայցի այս բոլորից, բնական է հէնց այն հանգամանքը, որ արևելցի տղամարդը միշտ զգում է թէ կինը իրան հաւասար արարած չէ, ուստի և շատ յաճախ ընդունում է նրա իրաւունքները: Իւր տան մէջ մի անձի իրաւունքներ ընդունելը դառնում է նրա համար սովորութիւն և ձգտում է նոյնը իրականացնել և արտաքոյ իւր տան՝ ուրիշների վերաբերմամբ ևս: Ահա՛ ձեզ ոճրագործութեան հիմքը: Ուրիշ կողմից արևելցի կինը զլիսովին ստորագրական, սարուկ, ճնշւած, իրաւագորի մի արարած, զրկած ազատ կամքից և կախւած ամբողջապէս իւր պարոնի իրաւունքից, ինչպէս նկարագրում են նրան եւրոպացի գիտնականները, կորցնում է անկեղծօրէն անձնասուր լինելու ընդունակութիւնը, դադարում է հասարակութեան մէջ բարոյական տարր լինելուց, դառնում է խորամանկ, գաղտամիտ, սենդ, և պատրաստ շատ ոճիրներ գործելու:

Եւ այսպէս արևելեան ընտանիքը մի կողմից՝ ճնշում է մարդու

այն զգացումներն ու հակումներն, որոնք ոճրագործութեան ընդդիմապրող տարրերն են կազմում, իսկ միւս կողմից՝ զարգացնում է ոճիրներ շատացնող զգացումները ու հակումները և հանդիսանում է երեանի նահանգում ոճրագործութեան զլիաւոր զործիչներից մէկն:

Խոյն իսկ այս գործիչի կարգում թոյլ եմ տալիս ինձ դասելու այն նշանաւոր երևոյթի մեջնութիւնը, որ երևանի նահանգում սպանութիւնների մեծ մասը կատարւում է կնոջ պատճառով։ Կրթւած մարդու համար այսպիսի երևոյթը գրեթէ անհասկանալի է։ Որպիսի՞ հոգեկան յօրինւածքի տէր են մեր զիւզացիք, որպիսի՞ անմիտ կրքերի տէր, ի՞նչ մի անհրաժեշտութիւն կայ սպանելու մի կին, որ յափշտակւել, զրաւել է, կամ սպանելու նրան, որ յափշտակւել, զրաւել է նրան.—ահա՛ ինդիրներ, որոնք մատչելի չեն հասկացողութեան ու ճիշդ հետազոտութեան։

Աեսնացիների մէջ արիւնական գործերին վերաբերում են—սառմ է պրօֆէսօր Լէօնտովիչ—ա. սպանութիւնը, բ. վիրաւորութիւնը, գ. բռնաբարութիւնը, դ. կնոջ կողմից ամուսնական հաւատարմութեան դրժելը և ե. կին ու հարսներ փախցնելը։ Այս գործերը բնիկների մէջ ամենազօրեղ կերպով զրգում—բորբոքում են կրքերը, միմնացնում են նրանց տաք զլիները և զրդում են բնիկներին ամենակատաղի արիւնշաղախ ոճրագործութեան։

Որպէս զի ցոյց տամ թէ յանցաւորութեան վերաց որքան սաստիկ ազդում է այս նախանձուութիւնը և թէ որպիսի արիւնաներկ տեսարանների պատճառ է հանդիսանում, ես կը բերեմ մի քանի օրինակներ։

Երևանից ոչ հեռու, մի հաց գիւղում, մի հայր, տեսնելով որ իւր 18-ամեաց, գիւղի մէջ ամենահամեստ հոչակւած աղջիկը համբուրւում է իւր սիրած երիտասարդի հետ, որին և նա կամենում էր ամուսին լինել, յարձակում է աղջկաց վերաց, դաշոյնի մի քանի հարւածներ է տալիս և բուռը բուռը արիւնը խմում։

Մօտ ժամանակներում մերձակաց թուրք գիւղերից մէկում քսանամեաց որդին՝ տեղեկանալով որ իւր մացրը զրացիներից մէկի հետ սիրացին հաղորդակցութեան մէջ է ատրճանակի հարւածով սպանում է մօրը։

Մի քուրդ, որին կինը հաղորդում է թէ իրանց զբացիներից մէկը չար նպատակով հետամուտ է լինում իրան, խորհուրդ է տալիս կնոջը հրաւիրել նրան իրանց գոմը. և երբ մեր վահանակիր Նելլի լովիլասը, ենթադրելով, որ հասած է նպատակին, մտնում է գոմը, նրան բռնում է իւր սիրեկանի մարդը, կտրում է նրա երկու ականջը և քթի ծայրը: Դէ հիմի հրամեցէք ու ցոյց տւեք թէ ի՞նչ կը նշանակի կնոջ քամակից ընկնելը:

Ըսդհանրապէս խառնակեցութիւնը, կամ կին ու հարս փախց նելը պատճառում է արիւնքամ թշնամանքներ ընտանիքների, ցեղերի, գիւղերի, յաճախ մինչեւ անգամ մի քանի զիւղերի մէջ. թշնամանքներ, որոնք անցնում են սերնդէսերունդ. և այս առիթով կատարւած յանցագործութիւնները մէզանում դովաբանում են երգերի մէջ, իբրև օրինակ են կացուցանուում ամենուրեք և ամենքի կողմից հաւանութիւն են դտնում: Այսպիսի զգացմունքներ և յարաբերութիւններ են տեղական ազգաբնակութիւնների մէջ սնւել դարերի ընթացքում՝ որոնք և ունեցել են, ի միջի այլոց, հետեւեալ հիմունքները.

1) Մեր նախահայրերի ցեղական կենցաղավարութեան մէջ իւր ցեղի մէջ օտարի արիւն ունենալը համարւել է անարդանք—պկանք օջախի սրբութեան, աստուածութեան, և ծառայել է իբրև ամբողջ առհմը սոորացնող մի փաստ:

2) Տեղական սովորութիւնների կենաց դիւցագնական շրջանում, երբ ամուսնանալը մեծ մասամբ պայմանաւորւած էր կին փախցնելու մէջ, մարդից բռնի կերպով կամ flagrant կինը խելլը համարւել էր նրա կողմից մարդի, տղամարդի արժանաւորութիւն չը ճանաչել:

Այս երկու տարրը մեր նախահայրերից անցել են մեղ և զարգացել, մեր արեան մէջ են մտել և մեղ տանում են դէպի այնպիսի ծանր ոճիրներ գործելուն:

Յանցանքների չորրորդ գործիչ կարելի է համարել՝ տեղական ազնւականութեան բնաւորութիւնն ու դրութիւնը:

Նա ծագումէ պարսկական խաներից, բէկերից, հայ մելիքներից և այս դասակարդի դրանիկներից ու սպասաւորողներից, որոնք իրանք իրանց նորեկ ոռւսներին ցոյց տւին իբրև ազնւականներ,

Ուստասանում՝ երկարամեայ ծառայութիւնով ազնւականութեան հասած աստիճանաւորներից։ Մեզանում ազնւականները մեծ մասմբ և հօգատէրեր էին, կենումէին ամեն տեղ, իրանք չէին վաստակում և հանդիսանում էին մեր հասարակութեան սպառող դասակարգը։ Նրանք մօտ լինելով ժողովրդին, տոհմական անցեալ և հոգացին սեպհականութիւն ունենալով, իրանց անձնական նպատակների համար՝ կուտայնումէին իրար հետ ընտանիքներ, ցեղեր ու զիւղեր և պղտոր ջրում ձուկ են բռնում։ Գիւղի մէջ եթէ ազնւականներ ազգեցիկ էր, մի բոռնցք էր զիւղացիների դլիսին, անառակ էր, առազակներ պահող էր, որոց և կաշառում։ յորդորում էր ոճիրներ գործելու։ Նրանք զիւղացիներին հաւատայնում էին, որ դաստատանական ու վարչական իշխանութիւնների բոլոր ներկայացուցիչները իրանց խօսքին լսում են և նրանց—զիւղացիներին գայթակղութեան մէջ էին ձգում։ — Երեք զիւղացի գատուում են մարդասպանութեան մէջ մեղադրւելու։ Համար։ Գործի վճռելու օրը գալիս է և նրանց դրացին ինքը՝ բաւական ազգեցիկ ազնւական մէկը։ Գործը մեծ գործ էր. մի քանի ընդհատումներ տեղի ունեցան, և ամեն մի ընդհատումի միջոցին նկատում էր, որ այդ ազնւականը մտնում էր գատարանի գրասենեակը, խօսակցութիւն էր բաց անում մէկնումէկի հետ և, վերադառնարով կալանաւորների ազգականների մօտ, ինչ որ բաներ էր նրանց տաք տաք պատմում։ Վերջապէս երբ դատաւորները մտան խորհրդարանը, նա փութաց դէպի փաստաբանները, նրանց հայեացքներով հարցրեց գործի ելքի մասին և կրկին դառնալով զիւղացիների մօտ՝ հաւատայնում էր նրանց, թէ ինքը մտաւ խորհրդարանը, խօսեց դատաւորների հետ, որոնք բոլորն էլ իւր կողմն են, միայն դատախազն էր չափից դուրս պնդում։ Ի՞նչքան դարմացան զիւղացիք, երբ դատարանը յայտնեց այնպիսի մի վճիռ, որ բոլորովին նման էր ազնւականի ասածներին։

Սոյնպիսի վարմունքներով այդ ազնւականները ազգեցութիւն ու ձայն են ձեռք բերում ժողովրդի մէջ, հարստահարում են նրան և մեծ ոճիրների պատճառ են դառնում։

Ի՞նդհանրասպէս կարելի է ասել, որ զիւղերում ապրող մեր նահանգի ազնւականութեան մեծ մասը միմեանց հետ կապւած են

աղքականական կապերով և շատ անգամ աւազակների խմբեր են պահում ու նրանց ապաստանարան տալիս:

Մանաւանդ մվասակար է աղքատացած ազնւականը, որը սովոր չէ աշխատելու և որին ազնւական ինքնահաւանութիւնը թոյլ չի տալիս մօտենալու արհամարհելի աշխատանքին: Նա ապրում է մի-այն գողութեամբ և սուտ վկացութիւններ տալիվ:

Ազնւականութեան ներգործութեան տակ առաւել ես ոճիրների թիւը շատանում են վերջին տաս տարիներում, երբ սկսւեց մեր նահանգի հողաչափութիւնը: Ազնւականները յայտնում են իրանց իրաւունքները թագաւորական հողերի վերաց, որի համար և նշա-նակում է քննութիւն. և ահա ազնւականները փողով, հողով կա-շառում են գիւղացիներին, որոնք և սուտ ցուցմունքներ են տալիս: Նոյն կաշառքներն են շարժում և տիրապետութեան խանդարման վերականգնելու գործերի վերաբերմամբ:

Ի շնորհս ազնւականների գործւած այս յանցանքները ինձ չըն-չին են թւում համեմատաբար նրանց հետ, որոնք սկսում են երեւան գալ և, լատ երեւովթին, ժամանակով ահագին ծաւալ են առանալու: Բանը նրանումն է, որ մեզանում գանձարանից հողեր խլելլ հաւասար է գիւղացիներից հողեր խլելուն, քանի որ այն հողերի օգուտը գիւղացին էր քաղում: Նատ յաճախ յաջողւում է ազնւա-կաններին դարձնել զուտ թագաւորական հողերը կալւածատիրական, մուլքադարականները՝ բացարձակ սեպհական. յաջողւում է յափշ-տակել հարիւրաւոր գեսեատին հերկելի դաշտերից և ամբողջ գիւ-ղեր մուրացկանութեան մատնել: Հասկանալի բան է, որ այսպիսի վար-մունքները ժողովրդի մէջ ծնեցնում են թշնամական զգացումներ դէպի ազնւականը, զգացումներ, որոնք կարող են հասցնել ան-համար ոճիրների: Բացի սրանից, երբ ազնւականին յաջողւում է բացառիկ սեպհականութեան իրաւունքով հողեր ձեռք բերել, նրան շատ անգամ անհրաժեշտ է, որ խլի այդ սկզբնական շահող-ներից և յանձնի դրացի գիւղացիների ձեռքը: Այս զարհուրելի թշնամութիւն է ներս բերում գիւղերի մէջ և առաջացնում է ահագին ոճիրներ:

Երբ ես գրում էի այս տողերը, ինձ հաղորդեցին, որ նարուր-Դարալագեազի գառ առում, ազնւականների յորդորմամբ, սպանւել է

մի դիւղացի, որ պայքար էր մաել նրանց թագաւորական հողեր յափշտակելու դեմ:

Նատ ժամանակ կը պահանջւէր՝ հաշւելու համար ազնւականների բոլորատեսակ ազդեցութիւնները ոճրագործութեան քանակութեան վերաբերմամբ, մանաւանդ որ յաճախ նրանք ազդում են տեղացի ազգաբնակութեան բարոյականութեան և կենցաղացին կողմերի վերայ.—այսպէս օրինակ՝ նւազացնում են ժողովրդի կրօնական զգացումները, տարածում են արբեցողութիւն, աւերռում են նահապետական առաքինութիւնը և այլն, իսկ այս ամենի արդիւնքը՝ յանցանքներ են: Առ հասարակ կարելի է ասել, որ Երեւանի նահանգի ազնւականութիւնը յետամնաց է եւրոպական Ռուսաստանի ու Վրաստանի ազնւականներից և հանդիսանում է մեզանում ոճիրների բաւական նշանաւոր գործիչ:

Հինգերորդ գործիչ ոճիրների կարելի է համարել մեր նահանգի մէջ տանուտէրներ ու ջրաբետներ ընտրելու սկրզբունքը: Կարծիք չը կայ, որ այս սկզբունքը մեր նահանգում անձնականութեան զարգանալու դրաւականն է, բայց և այսու ամենալիւ նա անթիւ ոճիրներ է առթում, քանի որ անհամապատասխան է տեղական ազգութիւնների սովորութիւններին: Բանը նրանումն է, որ գիւղերում իւրաքանչիւր կուսակցութիւն կամենում է իւր մի-ջից ընտրել տանուտէր ու շինական դատաւորներ: Սրանից թշնամութիւն է ծագում կուսակցութիւնների ու ընտանիքների մէջ, և այս թշնամութիւնն էլ իւր հերթին առիթ է տալիս անթիւ ոճիրների: Նոյն իսկ տանուտէրներն ու ջրաբետներն իրանք անհամար ոճիրներ են հնարում, որ պատժեն իրանց թշնամիներին:

Ոճիրների վեցերորդ գործիչ կարելի է հաշւել մեր դրացիութիւնը Տաճկաստանի ու Պարսկաստանի՝ այդ թմրութեան պետութիւնների հետ: Կարծիք չը կայ նրանում, որ Երեւանի նահանգի հայերը, թուրքերը ու քրդերը վերջին 60 տարւան մէջ, իրանց պարսկաստանցի ու տաճկաստանցի եղբայրակիցների համեմատութեամբ, նշանաւոր կերպով յառաջ են գնացել քաղաքակրթութեան մէջ, հետզհետէ նրանց հակումներն էլ դէպի յայտնի ոճիրները նւազել են: Այդ չէ կարելի ասել պարսկական ու տաճկական բնակիչների վերաբերութեամբ, որոնք այժմ գտնւում են միւնոյն

դրութեան մէջ, ինչպէս որ էին սրանից 200 տարի առաջ; Խնկատի ունենալով, որ արշեստագիտութիւնը մեզանում բարձր է, փողի շրջադարձութիւնը առաւել լաւ, Տաճկաստանի ու Պարսկաստանի բնակիչները զալիս են մեզ մօտ՝ ինչպէս բանւորներ, ինչպէս մանր առևտրականներ և բերում են դէպի մեզ իրանց ոճրացին հակու մները: Մեր դաժան արիւնաբրուներից շատերը Տաճկաստանի ու Պարսկաստանի դաղթականներ են: Նրանք մեր կողմերում ոճիրներ կատարելով՝ փախչում, ծածկում են իրանց հայրենիքում, ուր որ ծածկում են և մեր աւազակներից շատ ուրիշները: Տաճկաստանի ու Պարսկաստանի շատ փաշաների, բէկերի ու խաների համար ապաստանապահութիւնը բաւական շահաբեր է: Նատ շատ անգամ երաշխաւորութեամբ բանափց ազատւած ոճրագործները դիմում են փաստաբաններին և խորհուրդ են հարցնում: — մնա՞ն արդեօք այստեղ, թէ փախչեն Պարսկաստան կամ Տաճկաստան: Փաստաբանը նրանց կարծիքով պէտք է մեզադրանքների դժւարութիւնները ծանր ու թեթև անի և նրանց պատասխան տայ: Բացի այս ամենից, պարսկահպատակները և տաճկահպատակները, ինչպէս և չինական կուլիները Ամերիկայում, բաւականանում են շատ քչով, զրկում են աեղական բաներով բնակիչներին, որոնք աւելի: կարիքներ ու աշխատանքներ ունին, յետոյ մեզանում ամուսնանում են, հպատակութիւններ լնդունում և այսպիսով աւելացնում են առանց այն էլ խիտ բնակութեան թիւը, որ և լինում է պատճառ ոճիրների բազմանալուն:

Ոճիրների ամենազօրեղ գործիշներից մէկը մեզանում հայերի ու թուրքերի թշնամութիւնն է միմեանց հետ, որը, թէեւ ոչ այնքան, ինչպէս առաջ էր, մինչև այժմ երբեմն տեղի է ունենում նրանց յարաբերութիւնների մէջ: Այս թշնամութիւնը խոր արմատներ ունի և պահանջում է լուրջ մաքառումն իւր դէմ: Տեղացի ազգաբնակութիւնը տակաւին քաղաքակրթութեան այն աստիճանից վեր չէ բարձրացել, ուր թշնամին և օտարականը համանիշ հասկացողութիւն են հանդիսանում, ինչպէս օրինակ, հռոմանցոց մէջ hostis նշանակում էր թէ թշնամի և թէ օտարական: Զարգացման այս աստիճանի վերայ ազգացնութիւնները սովորաբար թշնամանում են միմեանց հետ: Բացի սրանից մեր թշնամութիւնը ունի և պատմական արմատներ: Բանն այն է, որ հասարակ հայ ժողովրդի

Հասկացողութեամբ, այս թուրքերն են, որ կործանել են իրանց տաճարները, ծաղկած քաղաքները ու գիւղերը և դարձել են սրանց իրանց մշակ. ծերերը մինչեւ այսօր էլ տակաւին պատմում են այն ամենն, ինչ որ քաշել, տարել են թուրքերի ձեռքից մինչեւ ուսուների գալլ և այս ամենն, անշուշտ, ատելութիւնն ծնեցնում դէպի թուրքերը: Թուրքերն էլ իրանց կարգին տեսնել չեն կարողանում հայերին, այդ քեզ ուրիշ է բին, որոնք գեռերէկ իրանց առրուկներն են: Եւ այս ամենը փչում ուռցնում են թէ հայ, թէ մահմեդական անզարգացած մարդիկը:

Ահա՝ ոճիրների այս բոլոր շարժառիթները — գործիչները, որ, ըստ ներման ժամանակին, քննեցինք մենք: Բայց իւրաքանչիւր ընկերական երեսյթ հետևանք է անբաւ պատճառների, ուսուի և սրանք չեն ոճիրների միակ գործիչները — շարժառիթները: Բայց այս բոլոր գործիչների ազդեցութիւնը հասկանալի չէր լինի, եթէ նրանք չը կապւէին ընդհանուր տղիառութեան հետ:

Բայց նախ քան թէ աւարտ կը տամ մեզ հետաքրքրող խնդրին, գեռ ևս ասելու եմ հետևեալը.

Մեր ծերունիներից շատերը մտարերելով անցած գնացած օրհնեալ ժամանակները, ասում են՝ այսպէս չէր զլլրաշի (պարսից) ժամանակը. այն ժամանակ ո՞վ կը տար այսքան ոճիրներ. կախ էին տալիս ոճբազործին, աչքն էին հանում, ձեռքերը կարում էին, ոչ թէ հիմիկւաց նման, որ ոճբազործներին հայ են տալիս, պահում բերդերում. Խիստ, ահ ու սարսափ ձգող պատիճներ չեն տալիս, դրա համար էլ ոճիրները շատանում են մեզանում: — Սրան կարելի է ա՞յ թէ ինչ պատասխանել: Առաջին՝ գեռ ապացուցւած չէ թէ այն ժամանակ ոճիրների թիւը նւազ էր այժմեանից. երկրորդ՝ մինչեւ այժմ չէ ճանաչւած, որ սարսափը պակասացնի ոճբազործութիւնը: Ամենից հաւանականն է, որ այն ժամանակ ոճիրներ աւելի են կատարւել քան թէ այժմ, բայց լոյս չեն հանւել:

Ոճիրների թիւը նազեցնել կարելի է, բայց ոչ պատժով, այլ փոփոխելով այն ամենն, ինչ որ մենք ոճիրների գործիչ անուանեցինք, հետզհետէ և փոփոխելով իւրաքանչիւր անձնաւորութիւն առանձին առանձին: Ահը, սարսափը միայն ժամանակաւորապէս կարող են դադարեցնել հասարակութեան մէջ ոճբազործութեան երևան գալլ,

բայց չարը բարի դարձնել, ոչնչացնել անհատի մէջ բարոյական պակասութիւնները՝ անկարող են: Ուուս կառավարութեան գլխաւոր ծառայութիւնը մեզանում նրանումն է, որ անձնաւորութեանը միջոց—ազատութիւն է շնորհել իւր բնական ազդումները լոյս հանելու. նաև մեր ծածկւած թշնամուն դուրս է կանչել և մեզ միջոց տւել ուսումնասիրելու նրա զօրութիւնը, գտնելու արմատական միջոցներ նրա դէմ կուելու համար:

Եւ երբ մենք բոլոր ուժով, համերաշխութեամբ պետութեան հետ կը հալածենք ոճիրները, կ'ոչնչացնենք առաւել ստոր զարգացմանը յատուկ մեր ցեղական կենցաղի մնացորդները, կը դադարենք աւետարանն ու զուրանը վատ մեկնաբանելուց, կը տանք ազատութիւն մեր կնոջը, երբ մեր ազնւականութիւնը կը հասկանայ իւր քաղաքակրթիւ դերը, իսկ ազդութիւնները ձեռք կը քաշեն իրար հետ անմիտ ու յիմար թշնամութիւններ անելուց, և երբ մեր մեծամասնութիւնը կը դաստիարակվի առաքինափառութեան և արդարամտութեան մէջ,—այն ժամանակ մեզ կը յաջողի պակասացնել մեր ոճիրների թիւը և մենք հսկարտութեամբ կարող ենք առել—որ մեզանում ոճիրները սակաւացել են, որովհետեւ մենք ինքներս առաւել լաւացել ենք: